

# রিজার্ভ চুরির ৪৬ লাখ ডলার ফেরত দিয়েছে কিম ওং

প্রকাশ : ৩১ মার্চ, ২০১৬ ১৭:০১

বাংলাদেশ ব্যাংকের রিজার্ভ থেকে চুরি যাওয়া অর্থের একটি অংশ ফেরত দিয়েছেন সন্দেহভাজন মূল হোতা ফিলিপাইনের ব্যবসায়ী কিম ওং। ফেরত দেওয়া অর্থের পরিমান ৪৬ লাখ ডলার। বিষয়টি নিশ্চিত করেছেন ম্যানিলায় বাংলাদেশের রাষ্ট্রদূত জন গোমেজ।

শুনানিতে নিজেকে নির্দোষ দাবি করেন কিম ওং। অর্থ চুরির জন্য তিনি চীনা ব্যবসায়ী ডিং ঝাংজে ও সু ছুয়া গাও এবং রিজাল কমার্শিয়াল ব্যাংকিং করপোরেশনের (আরসিবিসি) ম্যানেজার মায়া সান্তোস দেগুইতাকে দায়ী করেন।

গত ৫ ফেব্রুয়ারি যুক্তরাষ্ট্রের ফেডারেল রিজার্ভ ব্যাংক অব নিউইয়র্কে সঞ্চিত বাংলাদেশ ব্যাংকের ১০ কোটি ১০ লাখ ডলার (প্রায় ৮০৮ কোটি টাকা) চুরি হয়। এর মধ্যে আট কোটি ১০ লাখ ডলার ফিলিপাইনের ব্যাংকিং ব্যবস্থায় প্রবেশ করে। এই অর্থ ছাড় হয় আরসিবিসি ব্যাংকের ম্যানেজার মায়া সান্তোস দেগুইতোর হাত দিয়ে।